

الرشاد

س ١ ٢ ٣ ٤ ٥ ٦ ٧ ٨ ٩ ١٠ ١١ ١٢ ١٣ ١٤ ١٥ ١٦ ١٧ ١٨ ١٩ ٢٠ ٢١ ٢٢ ٢٣ ٢٤ ٢٥ ٢٦ ٢٧ ٢٨ ٢٩ ٣٠ ٣١ ٣٢ ٣٣ ٣٤ ٣٥ ٣٦ ٣٧ ٣٨ ٣٩ ٤٠ ٤١ ٤٢ ٤٣ ٤٤ ٤٥ ٤٦ ٤٧ ٤٨ ٤٩ ٥٠ ٥١ ٥٢ ٥٣ ٥٤ ٥٥ ٥٦ ٥٧ ٥٨ ٥٩ ٦٠ ٦١ ٦٢ ٦٣ ٦٤ ٦٥ ٦٦ ٦٧ ٦٨ ٦٩ ٧٠ ٧١ ٧٢ ٧٣ ٧٤ ٧٥ ٧٦ ٧٧ ٧٨ ٧٩ ٨٠ ٨١ ٨٢ ٨٣ ٨٤ ٨٥ ٨٦ ٨٧ ٨٨ ٨٩ ٩٠ ٩١ ٩٢ ٩٣ ٩٤ ٩٥ ٩٦ ٩٧ ٩٨ ٩٩ ١٠٠

والله يهدي من يشاء الى صراط مستقيم ديني ، علمي ، ادبي ، سياسي هفته لق مجموعة اسلاميه در
اتبعون اهدكم سبيل الرشاد

صاحب ومدير مسئول : ح . اشرف ادیب

عدد ٣٧ - ٢١٩ ٥ ذی الحجه ١٣٣٠ پنجشنبه ١ تشرين ثاني ١٣٢٨ جلد ٢ - ٩

تشرین

بالقائلر جهادی

— بوهفته بردوره توقف وانتظارله کچمشدر —

۲۵ تشرین اول، پنجشنبه:

ادرنه قوای مدافعه سنک شانلی بر صورتده مدافعه ایله یکی و هجوم ایدن دشمنی تاروما را ایده رک پوسکور تدیکنه دائر رسمی بر خبر نشر اولنیور. باب عالیده صدر اعظم نزدنده عقد اجتماع ایدن امرای عسکرینه نک حربیه دوام ایتمک اوزره قرار ویردکاری خبر آلتیور. شرق مرتب اردوسی قوماندانی عبده پاشا بوکون استانبوله کلیور. خارجیه ناظرینک دعوتی اوزرینه بش دولت معظمه نک سفراسی بوکون باب عالییه کلیورلر. باب عالیدن عودت لرنده هیئت سفرا آوستریا سفارتخانه سنده اجتماع ایدرلر. صدر اعظم طرفندن صورت رسمیه ده کندی لرینه مملکتک امن و آسایشی حقنده تأمینات ویریلیور. و بدخواهانه اراجیفه اهمیت ویرمه نک شایان تأسف اولدینی بیان اولنیور. فرانسه نک (لئون غامبه تا) زرهلی قرووا زوری لیمانزه مواصلت ایدیور، ۲۱ پاره طوب انداختیله رسم سلامی ایفا ایلیور. آلمانیا نک (وینه تا) قرووا زوری ده بوکون کلیور.

۲۶ تشرین اول، جمعه:

بوکونکی غزته لر متحدا لسان مدافعه ملیه دن بحث ایدیور واهالی نک خجیت دینی و ملیه سنی تحریک ایدیورلر. بوکون بر تبلیغات رسمیه ادرنه نک متانتی، ادرنه منطقه سنده مظفریاتک توالی ایتدیکنی ادرنه ولایتندن مقام سامی صدرته ۲۴ تشرین اول تاریخیه مورود تلغرافنامه یه استناداً اعلان ایدیور. مناسرت ولایتندن چکیلن دیگر بر تلغراف ده صورتوویج حوالیسنده صربلرله اولان مصادماتده عسکرلرمنک احراز موفقیت ایله یکنی اخبار ایلیور. ناظم پاشانک ۲۵ تشرین اول تاریخیه چکمش اولدینی دیگر بر تلغراف ده بردشمن سواری کشف بلوکنک تکفور طاغنه آلتی کیلو مترو مسافه ده کوریلرله قوای عسکرینه من طرفندن طرد اولوندینی بیلدیریلیور. بوکون دخی باب عالیده امرای عسکرینه دن مرکب بر انجمن فوق العاده عقد اولنیور. ایتالیا باندیره سنی حامل (آما تونل فیلیپرتو) نام زرهلی ایله آوستریا باندیره لی (آسپرن) نام زرهلی قرووا زورلری ده بوکون لیمانزه کلیورلر. بوکون موقع حربیه اسیر دوشن دشمنلردن بر قسمی درسه عاده کتیریلیور. بر چوق روسیه مسلمان کولکلیری سیواستوپولدن واپورله شهر مزه کلیور، طوغریجه حربیه نظارتنه مراجعت ایلیورلر.

۲۷ تشرین اول، جمعه ایرتسی:

ادرنه دن ینه مظفریت خبرلری کلیور. ادرنه والیسندن مقام صدرته کلن رسمی تلغرافلرده: «ادرنه مواقع مستحکمه سنک غرب جبهه سیله ماراش منطقه سنده ۲۵ تشرین اول صبح وسطی ساعت سکزدن آقشام ساعت یدییه قدر دوام ایدن محاربه یارم ساعت فاصله یی متعاقب بتکرار باشلا یوب کیچه صبحه قدر ۲۶ تشرین اولده دخی بوتون کون کمال شدتله دوام ایتدیکنی و ماراشده عساکر عثمانیه نک سونکی هجوملرینه دشمنک مقاومت ایده میوب تلفات کلیه ویردکن صوکره بر حال پریشانیده رجعت ایله یکنی، دشمندن یوزلرجه مانلیر تفشکی ایله برخیلی جیخانه اغتنام اولوندینی؛ غرب جبهه سنده ده شدتلی طوب آلتشی دشمن بطاریه لرینی سکوته مجبور ایتدیکی، جنوب جهته ده دخی دشمنک تلفات کثیره ایله پوسکور دلدکی و بو ۳۹ ساعتک قانلی محاربه نک جدأ و حقیقه عثمانلی تاریخنه زیب آور اوله جتی درجه ده پارلاق مظفریا تله نذیجه لندیکی» بشیر اولنیور. رجال عسکریه بوکون ده باب عالیده اجتماع ایدیورلر.

واجبی ده اسقاط ایتمک نیتیه مقدم اولان فرضی ایفا ایچون تدارک ایده بیلدیکنز ایکی قربان بدلی اولان ایکی بچق لیرایی اعانه جهادیه اولمق اوزره حربیه نظارتنه تسلیم ایتدک. زمان واحوال مناسبیله اجتهاد مزه پک چوق اخوانک اشتراکنه امیدوارز.

رفیقه سی
نزهت
مشفاعه دیندن
محی الدین

مطبوعات

ایلم قازمه نی پادشاهمز اورملی!

مرافعه ملیه مسندسی

استنبول مطبوعاتنک اکثریت عظیمه سی بر قاق کوندیری «مدافعه ملیه» تشکیلاتسندن بحث ایتمکده اولدقلری جهته بوخصوص طشره لرده دخی پک بویوک بر خواهش او یاندیرمش و بویله بر تشکیلات وقوعنده شهر من و جوار قصبات وقرادن دخی پک چوق کیسه لرک نقدأ وبدأ هان بواصر عظیمه اشتراک ایده جکاری کورلمکده بولومشدر.

اوروپاده بر مؤسسه عالییه نک وضع اساسنده حاضر بولونان قرالارک، ایمپراطورلرک ایلمک تلیرینک قازمه سنی کندی اللریله اوردقلری دائما کورولور. سوکیلی خلیفه منک قوماندان اعظم أفندمن حضر تلیرینک دخی بوتون وطنک مدافعه، حیات و ممانته تعلق ایدن شومسئله ده تأسیس ایله جک خطوط مدافعه استحکاماتنک ایلمک قازمه سی یدمؤید هایونله اورولدینی کونک هفته سنه قالماز چتالجه دن بش قات م تحکم مواقع هان انشا اولومش کوریه جکدر. شهریار عالیبتار افندمن ایسه سن شاهانه لرینک عدم م اعدده سنه مبنی میدان حربیه کیده مدیرسه بواصر مهم و عظیمی ایفا بویوره جقلرنده اصلاحیه و ترددمن یوتدر. ایش بورایه کلدیده بوشکله کیردی؟ استانبول سورلری خارجنده کندی ارزاقیله چالینه جق یوز بیکارجه خلق موجود اوله جقدر.

استانبول مطبوعاتنه قارشى نصیحت ویرمک حد من دکدر. عجبا محاربه تاریخندن اعتباراً تعقیب ایله جک خط حرکت حقنده استانبول مطبوعات ارکانی بیننده اولسون مذاکره ایتدیلمی؟ شبهه سزکه خایر! ..

بویله آجی و تاریخی دقیقه لر کچیردیکنز زمانده خلقنک الک زیاده قوه معنویه سنه خدمت ایده جک مطبوعاتدر. مطبوعات ارکانی دیدیکنز کبی بر کره طویلانسه ایدی؛ تعقیب ایله جک خطوط حرکتی تعیین ایتسه ایدی؛ شیمدییه قدر یکدیگرینه مباین نشریات وحوادثله خلقی بودرجه لره قدر سقوط خیاله اوغرا نمازلردی!

هیپات! ... که اونلر آره سنده ده الا آن بر اتحاد کوریه میور؛ حالا یکدیگرینک باجانه ایپ طاقدن، یالانلری ده له کدن، بر برلینه حسد ایتکدن اصلاً خالی قالمایورلر!

بوکون بالاتحاد ذات حضرت پادشاهی یی، عرض ایتدیکنز مدافعه ملیه مسئله سنه متفقاً بر دعوت، و بوکا موفقیت؛ دنیای بر پادشاهلغه آز کورهن خاقانلر منک قبرلرینی، امانات پیغمبری یی محتوی اولان مقامات مقدسه نک قاپیلرینی بلغار چیزمه لرله چکنتمه مه که سبب اولور. ومن الله التوفیق

«آناطولی سسلری»